

56/11-390

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
SLUŽBA ZA PRIVREDU, GRADSKU IMOVINU I UPRAVLJANJE RAZVOJEM

Broj: 06-45-6232/25-1
Zenica, 18.06.2025. godine

GRADONAČELNIK

Predmet : Prijedlog zaključka za GV o ustupanju na korištenje ribolovnog područja, dostavlja se

Poštovani,


Dana 17. 03. 2025. godine dostavljen nam je akt Ministarstva za poljoprivredu, šumarstvo i vodoprivredu Zeničko-dobojskog kantona, (u daljem tekstu MPŠV ZDK) broj:05—20-4200/25 od 10.03.2025. godine kojim se u skladu sa odredbama Zakona o izmjenama i dopuni Zakona o slatkovodnom ribarstvu ("Službene novine Federacije BiH, br.10/25) traži mišljene Gradskog vijeća odnosno prijedlog visine naknade za korištenje ribolovnog područja – Član 6. istog zakona , te prijedlog kontakt osobe ispred Grada kao člana komisije u provođenju javnog konkursa za ustupanje ribolovnog područja na korištenje koje MPŠV ZDK .

U skladu sa gore navedenim Služba za Privredu, gradsku imovinu i upravljanje razvojem je stupila u kontakt sa predstavnicima Ministarstva da bi dobili smjernice za pripremu traženog mišljenja. Kolege iz MPŠV ZDK su nas uputile na razgovor sa predstavnicima Udruženja građana BISTRO -Zenica koji su u prethodnom periodu koristili ribolovno područje na području Grada Zenica. Dana, 22.04. 2025. godine održali smo sastanak sa istim i oni su nas upoznali sa načinom korištenja ribolovnog područja te iznosima naknade za korištenje istog.

U skladu sa podacima koje smo dobili, te činjenicom da se područje koristi u svrhu sportskog ribolova i nema profitabilni karakter dostavljamo Vam Prijedlog zaključka za GV.

Prilog:Prijedlog zaključka

1x Naslovu
1x a/a



BOSNA I HERCEGOVINA
FEDERACIJA BOSNE I HERCEGOVINE
ZENIČKO -DOBOJSKI KANTON
GRAD ZENICA
GRADSKO VIJEĆE

PRIJEDLOG

Na osnovu člana 5, 6 i 10 Zakona o slatkovodnom ribarstvu („Sl. Novine FBiH“ broj 64/04,27/10 i 10/25) Gradsko vijeće Zenica na _____ sjednici održanoj _____, donijelo je

ZAKLJUČAK
o ustupanju na korištenje ribolovnog područja

I

Odobrava se Ministarstvu za poljoprivredu, šumarstvo i vodoprivredu Zeničko-dobojskog kantona da ustupi na korištenje ribolovno područje, dvanjem ribolovnog prava putem konkursa uz naknadu i na osnovu predloženog programa gospodarenja ribolovnim područjem.

II

Korisnik ribolovnog prava plaća naknadu za ustupljeno ribolovno prava za ribolovnu zonu na teritoriji Grada Zenica u iznosu od 1.000,00 KM godišnje.

III

Ovaj zaključak stupa na snagu danom donošenja.

Broj: 01-_____/25
Zenica,

PREDSJEDAVAJUĆA
GRADSKOG VIJEĆA

Snježana Vrhovac

OBRAZLOŽENJE

Stupanjem na snagu Zakona o izmjenama i dopunama Zakona o slatkovodnom ribarstvu („Sl. novine FBiH“ broj 10/25), jedinice lokalne samouprave su uključene u postupak korištenja ribolovnih područja/zona, u određivanje naknade za ustupanje ribolovnih područja/zona i u postupku izdavanja dozvola za privredni ribolov.

Članom 5. gore navedenog Zakona propisano je da ribolovno područje ili dio ribolovnog područja kantonalno ministarstvo putem konkursa ustupa na korištenje uz naknadu, uz prethodno pribavljeno mišljenje organa lokalne samouprave na čijoj teritoriji se nalazi ribolovno područje/zona odnosno dijelovi ribolovnog područja.

Članom 6. istog Zakona propisano je da visinu naknade određuje Vlada kantona na čijoj teritoriji se nalazi ribolovno područje, odnosno dijelovi ribolovnog područja na prijedlog nadležnog organa lokalne samouprave. Naknada za ustupanje na korištenje ribolovnog prava su namjenska sredstva koja se koriste u omjeru 50% jedinica lokalne samouprave , 50% kanton.

Ribolovna područja /zone na području Zeničko-dobojskog kantona su određene Odlukom Vlade Zeničko-dobojskog kantona broj:02-25-21472/07 dana 13.09.2007. godine.

U skladu sa gore navedenim, a rješavajući po zahtjevu Ministarstva za poljoprivredu, šumarstvo i vodoprivredu Zeničko-dobojskog kantona broj: 05-20-4200/25 od 10.03.2025. godine za dostavljanje mišljenja za ustupanje na korištenje ribolovnog područja/zona i prijedloga naknade, dostavljamo prijedlog zaključka kojim se određuje visina naknade za korištenje ribolovnog područja na teritoriji Grada Zenica.

OBRAĐIVAČ
Služba za privredu, gradsku imovinu
i upravljanje razvojem

PREDLAGAČ
GRADONAČELNIK
Fuad Kasumović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
STRUČNA SLUŽBA GRADSKOG VIJEĆA

Broj: 12-45-6282 /25
Zenica, 17. 3. 2025. godine

Služba za privredu, gradsku imovinu i upravljanje razvojem

PREDMET: Zahtjev, dostavlja se

Poštovani,
u prilogu vam se dostavlja akt Ministarstva za poljoprivredu, šumarstvo i vodoprivredu Zeničko-dobojskog kantona broj: 05-20-4200/25 od 10.03.2025. godine kojim se shodno odredbama Zakona o izmjenama i dopuni Zakona o slatkovodnom ribarstvu („Službene novine Federacije BiH“, br. 10/25) traži dostava mišljenja Gradskog / Općinskog vijeća za ustupanje ribolovnog područja / zone, prijedloga visine naknade za ustupanje na korištenje ribolovnog prava, te podataka o kontakt osobi koja će učestvovati kao član komisije u provođenju javnog konkursa i to u roku od 60 dana.

U vezi s tim molimo da predmetni akt Ministarstva razmotrite i dostavite odgovarajući prijedlog akta za Gradsko vijeće.

S poštovanjem,

Prilog: kao u tekstu

DOSTAVLJENO:

1x) Naslov
1x a/a


SEKRETAR GRADSKOG VIJEĆA
Almira Baćučija Kapidžić, dipl. pravica
[Handwritten signature]



**GRADOVI/OPĆINE
ZENIČKO-DOBOJSKOG
KANTONA**

n/r Gradonačelnika
n/r Općinskog načelnika

Zenica, 10.03.2025. godine

Vaš znak:

Naš znak: 05-20-4200/25

**PREDMET: Mišljenje za ustupanje na korištenje ribolovnog područja/zona i prijedlog
naknade, traži se**

Obavještavamo Vas da je stupio na snagu Zakon o izmjenama i dopuni Zakona o slatkovodnom ribarstvu („Službene novine Federacije BiH“, broj: 10/25) kojim su jedinice lokalne samouprave uključene u postupak ustupanja na korištenje ribolovnih područja/zona, u određivanju naknade za ustupanje ribolovnih područja/zona i u postupku za dozvolu za privredni ribolov.

Članom 5. Zakon o izmjenama i dopuni Zakona o slatkovodnom ribarstvu („Službene novine Federacije BiH“, broj: 10/25) je propisano da ribolovna područja, odnosno dijelovi ribolovnih područja – ribolovne zone, određuje i ustupa na korištenje fizičkom i pravnom licu, odnosno udruženju ili organizaciji sportskih ribolovaca kantonalno ministarstvo nadležno za poslove poljoprivrede uz prethodno pribavljeno mišljenje nadležnog organa lokalne samouprave, na čijoj teritoriji se nalaze ribolovna područja, odnosno dijelovi ribolovnih područja-ribolovne zone. Članom 6. istog Zakona je propisano da ribolovno područje ili dio ribolovnog područja, kantonalno ministarstvo, uz prethodno pribavljeno mišljenje nadležnog organa lokalne samouprave, ustupa na korištenje korisniku davanjem ribolovnog prava putem konkursa, uz naknadu i na osnovu predloženog programa gospodarenja ribolovnim područjem. Visinu naknade određuje Vlada kantona na čijoj teritoriji se nalazi ribolovno područje ili dio ribolovnog područja, a na prijedlog nadležnog organa lokalne samouprave. Naknada za ustupanje na korištenje ribolovnog prava su namjenska sredstva koja se dijele u omjeru 50% lokalna samouprava i 50% kanton.

Vlada Zeničko-dobojskog kantona je donijela Odluku o određivanju ribolovnog područja i ribolovnih zona na području Zeničko-dobojskog kantona („Službene novine Zeničko-dobojskog kantona“, broj: 18/07) kojom su utvrđena ribolovna područja/zona sa granicama i namjenom. Ribolovno područje Zeničko-dobojskog kantona čine vodotoci i jezera u kojima je moguć ribolov. Vodotoci ribolovnog područja Zeničko-dobojskog kantona čine sliv rijeke Bosne na potezu koji prolazi kroz ovaj Kanton. Osnovna namjena ribolovnog područja Zeničko-dobojskog kantona je sportsko-rekreacioni ribolov. Izuzetno, dio ribolovnog područja može se koristiti i za privredni ribolov ako je to predviđeno Studijom o mogućnostima privrednog ribolova na području Zeničko-dobojskog kantona.

Ministarstvo za poljoprivredu, šumarstvo i vodoprivredu obavezno je u narednom periodu raspisati javni konkurs za ustupanje ribolovnog područja ili dio ribolovnog područja na teritoriji Zeničko-dobojskog kantona za sportsko-rekreacioni ribolov. U skladu sa gore navedenim, potrebno je da u roku od 60 dana dostavite mišljenje Gradskog/Općinskog vijeća za ustupanje ribolovnog područja/zone, prijedlog visine naknade za ustupanje na korištenje ribolovnog prava, te podatke o kontakt osobi koja će učestvovati kao član komisije u provođenju javnog konkursa (ime i prezime, e-mail i kontakt telefon).

Napominjemo Vas da se ribolovno područje ustupa na period od 10 godina a u skladu sa članom 8. Zakona o slatkovodnom ribarstvu („Službene novine Federacije BiH“, broj: 64/04 i 27/10 i 10/25).

S poštovanjem,

Dostavljeno:

12 x Naslovu,

12 x Gradskom/Općinskom vijeću,

1 x a/a.



MINISTAR

Asmin Čajić